



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA

*o stavljanju van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijavi na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu
(prijedlog)*

Predlagač:

Komisija za izbor i imenovanja Gradskog vijeća

Obrađivač:

Stručna služba za poslove Gradskog vijeća Grada Sarajeva

Sarajevo, septembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je

(prijedlog)

ODLUKU

o stavljanju van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu

Član 1.

Ovom odlukom stavlja se van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu („Službene novine Kantona Sarajevo“, broj 26/24).

Član 2.

Ova odluka stupa na snagu danom donošenja, a objavit će se u “Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj: 01-GV-02-_____/24

Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke o stavljanju van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI ZA DONOŠENJE ODLUKE

Predsjedavajući Gradskog vijeća Grada Sarajeva je dana 18.07.2024. godine uputio Uredu za borbu protiv korupcije Kantona Sarajevo Zahtjev za davanje mišljenja broj: 01-GV-04-951/24 da li su gradski vijećnici, članovi Komisije za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, u sukobu interesa budući da je članom 11. navedenog gradskog propisa propisano da ova komisija razmatra pristigle prijave i sačinjava preliminarnu listu uspješnih kandidata koju dostavlja gradonačelnici Grada Sarajeva na saglasnost, a gradonačelnica, nakon protoka roka za žalbu odnosno žalbenog postupka, potpisuje pojedinačne ugovore sa izabranim učenicima, odnosno njihovim roditeljima/starateljima.

Ured za borbu protiv korupcije Kantona Sarajevo je dostavio Mišljenje broj: 20-04-1239-20/24 A.A. od 26.07.2024. godine, zaprimljeno u Gradskom vijeću Grada Sarajeva dana 02.08.2024. godine i protokolirano pod brojem: 01-GV-04-1004/24 vezano za, eventualno, postojanje sukoba interesa zbog imenovanja gradskih vijećnika, u konkretnom slučaju Ademović Jasmina, Džehverović Mirele, Simonović Srđana i Škaljić Seida u Komisiju za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, koju rješenjem imenuje gradonačelnica.

Obzirom da je u Mišljenju, između ostalog, navedeno da imajući u vidu činjenicu da se u predmetnom slučaju radi o dvije javne funkcije, Ured je mišljenja da bi postojao sukob interesa ukoliko bi imenovani vijećnici bili imenovani od strane gradonačelnice u predmetnu komisiju, predlaže se donošenje Odluke o stavljanju van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu.

Odluka se predlaže na razmatranje po skraćenom postupku u skladu sa članom 121. Poslovnika Gradskog vijeća Grada Sarajeva obzirom da nije u pitanju složen i obiman akt.

OBRAZLOŽENJE PREDLOŽENIH RJEŠENJA

U članu 1. Odluke stavlja se van snage Odluke o izboru članova Komisije, predstavnika Gradskog vijeća Grada Sarajeva, za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, dok se članu 2. propisuje stupanje na snagu odluke.